

## III

Ministarstvo finansija će evidentirati i proknjižiti uplaćena sredstva i izvršiti plaćanje po nalogu Ministarstva za obrazovanje, nauku i mlade i Zavoda za izgradnju Kantona Sarajevo.

## IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-44985-2.3/19  
31. decembra 2019. godine  
Sarajevo

Premijer  
**Edin Foto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16), Vlada Kantona Sarajevo, na 84. vanrednoj sjednici održanoj 13.01.2020. godine, donijela je

**ODLUKU**

## Član 1.

Ovom Odlukom Vlada Kantona Sarajevo daje ovlaštenje Pravobranilaštvu Kantona Sarajevo za zastupanje u upravnom sporu koji se vodi kod Kantonalnog suda u Sarajevu, broj predmeta: 09 0 U 035483 19 Fp.

## Član 2.

Pravobranilaštvo je ovlašteno da preduzima sve radnje koje preduzima stranka u postupku, u cilju zaštite imovine i imovinskih interesa Kantona.

## Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-755-2/20  
13. januara 2020. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 87. vanrednoj sjednici održanoj 21.01.2020. godine, donijela

**ODLUKU**

**O DAVANJU SAGLASNOSTI NA KOLEKTIVNI  
UGOVOR O IZMJENAMA I DOPUNAMA  
KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I  
OBRAZOVANJA U KANTONU SARAJEVO**

## I

Vlada Kantona Sarajevo daje saglasnost na tekst Kolektivnog ugovora o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

## II

Ovlašćuje se premijer Kantona Sarajevo Edin Forto da, u ime Vlade Kantona Sarajevo, potpiše Kolektivni ugovor iz tačke I ove Odluke.

## III

Ova Odluka stupa na snagu danom donošenja, a objavit će se u "Službenim novinama Kantona".

Broj 02-04-1560-2/20  
21. januara 2020. godine  
Sarajevo

Premijer  
**Edin Forto**, s. r.

Na osnovu članova 137., 138, stav 3. i stav 4. i člana 182. Zakona o radu ("Službene novine Federacije BiH", broj 26/16 i 89/18) i člana 175. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 4/18 i 51/19), Samostalni sindikat osnovnog obrazovanja i odgoja Federacije BiH - Kantonalni odbor Kantona Sarajevo, kao predstavnik radnika, i Vlada Kantona Sarajevo, kao predstavnik poslodavca, zaključuju

**KOLEKTIVNI UGOVOR**

**O IZMJENAMA I DOPUNAMA KOLEKTIVNOG  
UGOVORA ZA DJELATNOSTI PREDŠKOLSKOG  
ODGOJA I OSNOVNOG ODGOJA I OBRAZOVANJA U  
KANTONU SARAJEVO**

## Član 1.

U Kolektivnom ugovoru za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 4/18 i 51/19) u članu 52. stav (2) u tabelarnom pregledu poslova i zvanja pod rednim brojem 4. iza riječi "vjeroučitelj - viši savjetnik" u daljem tekstu riječi: "viši savjetnik" na svakom mjestu (ukupno 10) mijenjaju se riječima: "stručni saradnik savjetnik", a nakon riječi: "asistent u odjeljenju/grupi - viši savjetnik" iza zarez se dodaju riječi: "bibliotekar - stručni saradnik savjetnik, socijalni radnik - stručni saradnik savjetnik, sekretar - stručni saradnik savjetnik, saradnik za pravne, personalne i administrativne poslove - stručni saradnik savjetnik, samostalni referent za plan i analizu - stručni saradnik savjetnik, rukovalac nastavnom tehnikom i EMIS odgovorna osoba - stručni saradnik savjetnik, koordinator za obavezni program - stručni saradnik savjetnik, saradnik za specijalizirane programe - stručni saradnik savjetnik, saradnik za protivpožarnu zaštitu - stručni saradnik savjetnik, saradnik za kvalitet i sigurnost hrane - stručni saradnik savjetnik, saradnik za javne nabavke - stručni saradnik savjetnik, saradnik asistent - stručni saradnik savjetnik, asistent direktora - stručni saradnik savjetnik".

U istom članu u stavu (2) u tabelarnom pregledu poslova i zvanja pod rednim brojem 5. iza riječi "vjeroučitelj - savjetnik" u daljem tekstu riječi: "savjetnik" na svakom mjestu (ukupno 23) mijenjaju se riječima: "viši stručni saradnik".

U istom članu u stavu (2) u tabelarnom pregledu poslova i zvanja pod rednim brojem 6. iza riječi "vjeroučitelj - mentor" u daljem tekstu riječi: "mentor" na svakom mjestu (ukupno 23) mijenjaju se riječima: "samostalni stručni saradnik".

U istom članu u stavu (2) u tabelarnom pregledu poslova i zvanja pod rednim brojem 8. iza riječi "referent za administrativno-tehničke poslove IPK odgajatelj -" riječi: "viši savjetnik" mijenjaju se riječima: "stručni saradnik savjetnik".

U istom članu u stavu (2) u tabelarnom pregledu poslova i zvanja pod rednim brojem 9. iza riječi "odgovorni odgajatelj sa zvanjem savjetnik" se dodaju riječi: "Radnik zatečen na poslovima: pedagoga, psihologa, bibliotekara, socijalnog radnika, samostalnog referenta za plan i analizu, sekretara i rukovoca nastavnom tehnikom, odgajatelj IPK (administrativni radnik), saradnik asistent, referent za

administrativno-tehničke poslove IPK odgajatelj - viši stručni saradnik".

U istom članu u stavu (2) u tabelarnom pregledu poslova i zvanja pod rednim brojem 10. iza riječi "referent za administrativno-tehničke poslove IPK odgajatelj -" riječi: "mentor" mijenjaju se riječima: "samostalni stručni saradnik".

#### Član 2.

- (1) Upravni/školski odbor, uz konsultacije sa predstavnicima Sindikata u ustanovi, dužan je uskladiti Pravilnik o radu sa odredbama ovog Kolektivnog ugovora.
- (2) Ustanove su dužne uskladiti svoje opće akte sa ovim Kolektivnim ugovorom u roku od 15 dana od dana stupanja na snagu ovog Kolektivnog ugovora.

#### Član 3.

- (1) Ovaj Kolektivni ugovor smatra se zaključenim kada ga potpišu ovlašteni predstavnici ugovornih strana.
- (2) Ovaj Kolektivni ugovor je potpisan u sedam istovjetnih primjerka od kojih svaka ugovorna strana zadržava po tri, a jedan primjerak dostavlja se nadležnom kantonalnom ministarstvu za rad.
- (3) Ovaj Kolektivni ugovor stupa na snagu dana 01.01.2020. godine, a bit će objavljen u "Službenim novinama Kantona Sarajevo".
- (4) Ovaj Kolektivni ugovor čini sastavni dio Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 4/18 i 51/19).

Za

Samostalni sindikat  
osnovnog obrazovanja  
i odgoja FBiH -  
Kantonalni odbor  
Kantona Sarajevo  
Predsjednik  
**Saudin Sivro**, s. r.

Broj 130/20  
22. januara 2020. godine  
Sarajevo

Broj 02-30-1544/20  
22. januara 2020. godine  
Sarajevo

Za  
Vladu Kantona Sarajevo  
Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), Vlada Kantona Sarajevo, na 78. vanrednoj sjednici održanoj 31.12.2019. godine, donijela je

## ODLUKU

### I

Daje se saglasnost na Amandman br. 1 na Sporazum o finansiranju između Razvojnog programa Ujedinjenih nacija (UNDP-ija) i Kantona Sarajevo - Ministarstvo komunalne privrede i infrastrukture Kantona Sarajevo.

### II

Amandman br. 1 na Sporazum iz tačke I odnosi se na izmjene i dopune Sporazuma u sklopu projekta "Inicijativa za razvoj infrastrukture", kako bi iskazali povećanje finansijskog doprinosa potrebnog za projektnu aktivnost 1.6 - nabavka komunalne opreme za KJKP "RAD".

### III

Sredstva za projektnu aktivnost ovog Amandmana br. 1 u visini od 258.000,00 KM obezbijedilo je Ministarstvo komunalne privrede i infrastrukture Kantona Sarajevo iz Budžeta Kantona Sarajevo za 2019. godinu.

### IV

Ovlašćuje se Ministar komunalne privrede i infrastrukture Kantona Sarajevo, mr. sc. Srđan Mandić, da u ime Kantona Sarajevo potpiše Amandman br. 1 Sporazuma iz tačke I ove Odluke.

### V

Za realizaciju ove Odluke zadužuju se Ministarstvo komunalne privrede i infrastrukture Kantona Sarajevo i Ministarstvo finansija Kantona Sarajevo.

### VI

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-05-44985-3.1/19  
31. decembra 2019. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), Vlada Kantona Sarajevo, na 78. vanrednoj sjednici održanoj 31.12.2019. godine, donijela je

## ODLUKU

### I

Daje se saglasnost na Amandman br. 2 na Sporazum o finansiranju između Razvojnog programa Ujedinjenih nacija (UNDP-ija) i Kantona Sarajevo - Ministarstvo komunalne privrede i infrastrukture Kantona Sarajevo.

### II

Amandman br. 2 na Sporazum iz tačke I odnosi se na izmjene i dopune Sporazuma u sklopu projekta "Inicijativa za razvoj infrastrukture", kako bi iskazali povećanje finansijskog doprinosa potrebnog za projektnu aktivnost 1.6 - nabavka komunalne opreme za KJKP "RAD".

### III

Sredstva za projektnu aktivnost ovog Amandmana br. 2 u visini od 1.000.000,00 KM obezbjedilo je Ministarstvo komunalne privrede i infrastrukture Kantona Sarajevo iz Budžeta Kantona Sarajevo za 2019. godinu.

### IV

Ovlašćuje se Ministar komunalne privrede i infrastrukture Kantona Sarajevo, mr. sc. Srđan Mandić, da u ime Kantona Sarajevo potpiše Amandman br. 2 Sporazuma iz tačke I ove Odluke.

### V

Za realizaciju ove Odluke zadužuju se Ministarstvo komunalne privrede i infrastrukture Kantona Sarajevo i Ministarstvo finansija Kantona Sarajevo.

### VI

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-05-44985-3.2/19  
31. decembra 2019. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), Vlada Kantona Sarajevo, na 78. vanrednoj sjednici održanoj 31.12.2019. godine, donijela je